

中医经典古籍集成（影印本）

# 异物志

东汉·杨孚撰  
◎李剑 张晓红 选编



SPM 南方出版传媒

广东科技出版社 | 全国优秀出版社

中医经典古籍集成（影印本）

# 异物志

东汉·杨孚 撰 李剑 张晓红 选编

**SPM**

南方出版传媒  
广东科技出版社

· 广州 ·

## 图书在版编目 ( CIP ) 数据

异物志 / (东汉) 杨孚撰. —影印本. —广州: 广东科技出版社, 2018. 4

(中医经典古籍集成)

ISBN 978-7-5359-6908-8

I. ①异… II. ①杨… III. ①生物—地区分布—广东 IV. ①Q152.65

中国版本图书馆CIP数据核字 (2018) 第045239号

## 异物志

YIWU ZHI

---

责任编辑: 吕 健 李希希

封面设计: 林少娟

责任校对: 罗美玲

责任印制: 彭海波

出版发行: 广东科技出版社

(广州市环市东路水荫路11号 邮政编码: 510075)

<http://www.gdstp.com.cn>

E-mail: [gdkjyxb@gdstp.com.cn](mailto:gdkjyxb@gdstp.com.cn) (营销)

E-mail: [gdkjzbb@gdstp.com.cn](mailto:gdkjzbb@gdstp.com.cn) (编务室)

经 销: 广东新华发行集团股份有限公司

印 刷: 广州一龙印刷有限公司

(广州市增城区荔新九路43号1幢自编101房 邮政编码: 511340)

规 格: 889mm×1 194mm 1/32 印张1.25 字数25千

版 次: 2018年4月第1版

2018年4月第1次印刷

定 价: 20.00元

---

如发现因印装质量问题影响阅读, 请与承印厂联系调换。

东汉·杨孚 撰

# 异物志

据广东省立中山图书馆馆藏清  
光绪三十年（一九〇四年）粤  
雅堂校刊《南海遗书》本影印

甲 畢 人  
上 帶 巾  
米 麥 子

一 一 一

月 錯 炎 三 十 麥 苦 一  
南 漢 伍 氏 開 離 二

異物志

嶺南遺書



漢南海 楊 孚 孝元撰

南海 曾 釗 勉士

金鄰一名金陳去扶南可二千餘里地出銀人民多好獵

大象生得乘騎死則取其牙齒

御覽七百九十

穿胸人其衣則縫布二尺幅合兩頭開中央以頭貫穿胸

不突穿

御覽七百九十

西屠國在海水以草漆齒用白作黑一染則歷年不復變

一號黑齒

御覽七百九十

按海水疑當作海外漆齒當作染齒御覽黑齒國下引  
異物志曰西屠染齒亦以放此也可證此漆為染之譌

狼臙國男無衣服女橫布帷出與漢人交易不以晝市暮

夜會俱以鼻齶金則知好惡

御覽七百九十

按狼臙疑與藝文類聚事類賦引狼臙為一然臙御覽

音燕又似別為一國故並存之

瓮人齒及目甚鮮白面體異黑若漆皆光澤為奴婢強勤

力御覽七百九十

雕題國畫其面皮身刻其肌而青之或若錦衣或若魚鱗

御覽七百九十

烏澣南蠻之別名巢居鼻飲射翠取毛割蚌求珠為業無

親戚重寶貨賣子以接衣食若有賓客易子而烹之

太平寰宇

記一百六十四

烏澣南夷別名也其落在深山之中其種族爲人所殺則居其死所且同殺主若有過之者是與非則仇而殺之文選

吳都賦劉

淵林注

狼曠民與漢人交關常夜市以鼻齶金知其好惡事類賦九

按藝文類聚卷八十三引常夜市句作常夜爲市

扶南國昔但作大扇遣人持之不知人各自用也事類賦十四

牂牁者繫船筏也其山在海中小而高似繫船筏也俗人

謂之越王牂牁遠望甚小而高不似山望之以爲一株樹

在水中也御覽七百七十一

按後漢書四夷傳注引作牂牁繫船杙也

漲海崎頭水淺而多磁石徼外人乘大船皆以鐵葉錮之

至此關以磁石不得過

黃泰泉廣東志二十四

黃頭人羣相隨行無常居處其類與禽獸同或依大樹以草被其枝上而庇陰其下髮正黃如掃帚見漢人散入草

終不可得也

御覽七百九十

儋耳夷生則鏤其頭皮尾相連并鏤其耳匡為數行與頰

相連狀如雞腹下垂肩上食諸紡績為業

御覽七百九十

交趾有橘官置長一人秩三百石主歲貢御橘

海錄碎事二十二

按事類賦卷二十七引與此同惟初學記卷二十引稱

楊孚異物志今兩存之

合浦民善游採珠兒年十餘歲使教入水官禁民採珠巧

盜者蹲水底刮蚌得好珠吞而出

藝文類聚八十四

錦鳥文如丹地錦而藻績牙交俗人見其似錦因謂之錦

鳥初學記形微大於雉其雌特有文章五色甚可愛御覽七百

二十  
八

按藝文類聚牙交作采文

木客鳥大如雀數千百頭爲羣飛集有度不與眾鳥相廁  
人俗云木客白黃文者謂之君長有翼有綬飛高而正赤  
者在前謂之五伯居前正黑者謂之鈴下細色而頽雜者  
謂之功曹左脇有白帶似鞞囊者謂之主簿長次君後其  
五曹官屬各有章色廬陵郡東有之御覽九百二十七

鷓鴣不生卵而孕雛於池澤間又吐生多者八九少者五  
六相連而出若絲緒水鳥而巢高樹枝或在窟穴之間御覽

九百二十五

按此條與陸佃埤雅稱楊孚異物志文字畧同

鷓鴣巢於高樹顛生子未能飛皆銜其母翼飛下地飲食

御覽九百二十五

鷓鴣其形似雌雞其志懷南不思北其名呼飛但南不北

其肉肥美宜炙可以飲酒為諸膳也御覽九百二十四

黃秦泉廣東志引作不思北徂又其名呼飛作其嗚呼

飛

鳥象雌雞自名鷓鴣其去懷南不思北徂黃秦泉廣東志五十四

翠鳥似鸞翳赤而翠青其羽可以為飾御覽九百二十四

按章懷太子後漢書賈琮傳注引楊孚異物志同班彪

傳注引作可以飾幃帳

翡翠赤色大於翠

文選李善注十三

孔雀形體既大細頸隆背似鳳凰自背及尾皆作員文五色相繞如帶千錢文長二三尺頭戴三毛長寸以為冠足

有距栖遊岡陵迎晨則鳴相和

御覽九百二十四

孔雀其大如雁而足高毛皆有斑文采捕得畜之拍手則

舞

御覽九百二十四

鷓鴣鳥大如雄雞色赤或黑而能鳴彈射取之其肉香美中

作炙

御覽九百二十八

苦鳥聲如人音多懷悽愴

海錄碎事二十二

東北荒中有獸名獬豸一角性忠見人鬥則觸不直者聞

人論則咋不正者

續漢志劉昭注三十

南方人以獼猴頭為酢

御覽九百一十

狢獏類露鼻尾長四五尺樹上居雨則以尾塞鼻建安臨海北有之鼯大如猿肉翼若蝙蝠其飛善從高集下食火烟聲如人號一名飛生飛生子故也東吳諸郡皆有之

文選五林注

猓然猿狢之類居樹色青赤有文日南九真有之

文選五林注

注

豸猿屬頭形正方髮長尺餘皆蒼色犬類似人欲有所視輒搖頭兩手披髮不爾則覆鄣其兩目衣毛皤皤若披狐裘木居深藏密伺乃得見耳

御覽九百八

猥母狀如猿逢人則叩頭小打便死得風還活廣韻一

交趾封溪有猩猩夜聞其聲如小兒啼也文選五劉淵林注

鬱林大豬一蹄有四五甲多膏買者以鐵錐刺其頭入七

八寸得赤肉乃動御覽九百三

日南多馱牛日行數百里太平寰宇記一百七十一

周留如水牛也毛青大腹銳頭青尾初學記三十一蒼毛豕身角

若擔矛衛護其犢與虎為仇黃泰泉廣東志二十四

麕狼形似鹿而角觸前向入林則挂角故恆在平淺草中

逐入林則得之皮可作履襪角□□□南人因以作踞牀

初學記二十五

按入林則得之句與御覽引同廣韻作則搏之角下缺

字後漢書南蠻西南夷傳注作正四據三字平淺草中  
後漢書注有肉肥脆香美五字因以作踞牀後漢書注  
作因以為牀無踞字

麋狼大如麋角前向有枝下出反向上長者四五尺廣州

有之常居平地不得入山林文選五劉淵林注

犀角中特有光耀白理如線自本達末則為通天犀章懷太子

注後漢書三

靈狸一體自為陰陽剗其水道連囊以酒灑陰乾其氣如

麝若雜真香罕有別者用之亦如麝焉大觀本草十七

白蛤狸剗其外革囊以酒灑而陰乾之其氣如麝若雜真

麝中鮮有別者御覽九百八十三

鼠母頭脚似鼠毛蒼口銳大如水牛而畏狗水田時有外

災起於鼠

初學記三十一

高魚與鱒相似與蜥蜴於水上相合常以二三月有雌無

雄食其胎殺人

御覽九百四十

鯨魚長者有數十里雄曰鯨雌曰鯢或死於沙上得之者

皆無目俗言其目化為明月珠

文選五劉淵林注

朱厓有水蛇鯨魚出合浦長二三尺背上有甲珠文堅噉

可以飾刀口可以為鑪

文選五劉淵林注

蘆解似鱗蝥而有細文多膏肥美形大如蘆管本出地中

隨泉浮出俗名蘆解

御覽九百四十

南方魚多不肥美惟鯨魚為上大者長二尺作鱠炙尤香